

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

- 1. Naalackersuisut paasissutissiissutigisinnaavaat Tasiilamut umiarsuaq pajuttaat pillugu ukiuni kingullerni assartuussinerup pitsaanerulersinneqarnissaanut suliniutit qanoq angusaqarfiusimanersut, aammalu ullumikkut innuttaasut naammaginatsumik pilersorneqarnissaat qulakkeerneqarsimanersoq?**
- 2. Naalackersuisut paasissutissiissutigisinnaavaat Ittoqqortoormiit umiarsuaq pajuttaat pillugu siusinnerusukkut tikinneqartalernissaat pillugu anguniakkat qanoq piviusunngortinneqarsimanersut, aammalu ullumikkut innuttaasut naammaginatsumik pilersorneqarnissaat qulakkeerneqarsimanersoq?**
- 3. Naalackersuisut naliliinerat naapertorlugu nunatta kangiani umiarsuarnik pajuttaatinik pilersuinerup pitsaanerulersinneqarnissaanut ukiuni kingullerni suliniutit qanoq sunniuteqarsimanersut, aammalu innuttaasut pilersorneqarnikkut atugaat pitsaanerulersimanersut imaluunniit suli annertuunik aaqqiiffigineqanngitsunik ajornartorsiuteqarnersut?**
- 4. Naalackersuisut pilersaaruteqarpat Ittoqqortoormiunut, Tasiilamut kiisalu Avannaani illoqarfinnut nunaqarfinnullu upernaakkut pilersuinermut umiarsuit siusinnerusukkut tikittalernissaat qulakkeerniarlugu? Taamaappat qanoq iliuusissat pilersaarutigineqarpat, aammalu qaqugu atuutilersinneqarnissaat naatsorsuutigineqarpa?**
- 5. Naalackersuisut kisitsisinik saqqummiussisinnaappat Tasiilaq, Ittoqqortoormiit, Qaanaaq, Upernavik, Uummannaq kiisalu nunaqarfiillu qanittuaniittut ukiuni kingullerni tallimani qasseriarlutik pilersaarutaasumik aammalu pilersaarutaasimangitsumik umiarsuarnik tikinneqarsimanersut?**
- 6. Naalackersuisut nalilerpaat Tunumi, Avannaani nunaqarfinnilu innuttaasut ullumikkut ukiut tallimat kingulliit sanilliullugu pitsaanerusumik**



pilersorneqalersimanersut? Taamaappat suut tunngavigalugit taamatut naliliisoqarpa?

(Inatsisartunut ilaasortaq Mette Arge-Hammeken, Naleraq)

Tunngavilersuutit:

Nunatta kangiani Avannaanilu innuttaasut inuussutissarsiortullu pilersorneqarnikkut pitsaasunik toqqissisimanartunillu atugaqarnissaat allatuulli pingaaruteqartorujussuuvoq.

Ukiuni kingullerni assartuussineq pillugu Naalakkersuisut arlaleriarlutik pitsaanerulersitsinissamik pilersaarutitik saqqummiussaqaqtarsimapput.

Taamaattorli innuttaasunit sulii oqaatigineqartarpoq pajuttaatit pajuttarnerata aaqqissugaanerata pitsaanerusinnaasoq, ilaatigut pajullutik tikiarnerusinnaasalernissaannut, innuttaasut pitsaanerusumik pilersorneqartarnissaminnut allanillu aaqqeeqqusinerinut tunngasunut, soorlu pilersorneqarnermikkut nunguutsisarneranut.

Taamaattumik paaserusunnarpoq ukiuni kingullerni Naalakkersuisut suliniutaat qanoq angusaqarfiusimanersut, aammalu Tunumi Avannaanilu innuttaasut naammaginnartumik pilersorneqarnissaat qanoq qulakkeerneqarnerasoq.

Aammattaaq pingaaruteqarpoq paasissallugu Naalakkersuisut siunissami Tasiilamut, Ittoqqortoormiunut kiisalu Avannaani illoqarfinnut nunaqarfinnullu upernaakkut siusinnerusukkut pajuttarnissaq pillugu qanoq pilersaaruteqarnerisut.

Ullutsinni atortorissaarutitigut pitsanngortoqarnikuuvoq, sikorsuit ingerlaarfiit malinnaavigineqarlualernikuupput taavalu sikuernerusalernerq ilaatigut nalaanneqartalerluni, taamaattumik tamakku tunngavigalugit innuttaasut pitsaanerusumik pineqalernissaminnut tusaaqqusaartuartarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanerme paatsuungasoqassatillugu kalaallisut allassimasooq aallaavigineqassaaq.